

紅雪樓原  
版影印

蔣士銓著九種曲

上海朝記書莊印行

唐駝署



壬戌年四月中澣

蔣士銓九種曲

孟菴莫襄



紅雪廬

紅雪廬原本

香祖廬

孟茂莫鑾

鑾

蘇  
民國十二年上海  
朝記書莊印行

癸亥七月上  
海  
朝記書局印行

雲  
魚  
卒

上海  
某某



自序

書筆

或謂藏園主人曰。子題愍烈記云。安肯輕提南董筆。替人  
兒女寫相思。今乃成轉情關一編。豈非破綺語之戒。涉欲  
海之波。踐情塵之跡耶。主人听然而笑曰。否。否。風雅首於  
二南。其閨房式好之詞。巾幗懷人之什。長言而嗟嘆之。何  
爲者。益得乎性情之正者也。惟然。故冠於三百之篇。或曰  
敢問香祖樓情何以正。主人曰。曾氏得螽斯之正者也。李  
氏得小星之正者也。仲子得關雎之正者也。發乎情。止乎  
禮義。聖人弗以爲非焉。豈兒女相思之謂耶。或曰。敢問兒

香齋  
女相思則何若。主人曰：才色所觸，情欲相維，不待父母媒  
妁之言，意耦神構，自行其志，是淫奔之萌蘖也。君子惡焉。  
或曰：然則茲編仍南董之筆歟？主人曰：知言哉！于是以情  
關正其疆界，使言情者弗敢私越焉。乾隆甲午寒食日，藏  
園居士自書。





論文一則

甚矣香祖樓之難于下筆也。前有空谷香之夢蘭而若蘭何以異焉。夢蘭若蘭同一淑女也。孫虎李蚓同一繼父也。吳公子扈將軍同一樊籠也。紅絲高駕同一介紹也。成君美裴畹同一故人也。小婦同一短命也。大婦同一賢媛也。使各爲小傳且難免雷同。瓜李之嫌况又別撰三十二篇洋洋灑灑之文必將襲馬爲班本昫成祁安能別賁于邕判優于敖也乎。作者曰不然。夢蘭之吳公子成君美實有其人若蘭之外皆不可深考。吾以蘭爲獅之球龍之珠。馘

之鬼睛布之戟支焉。按蘭譜。蘭之紫者黃者白者。皆有姓名也。害蘭者。虻與蟻也。架高則免焉。而又護之以風幡。培之于九畹。自能展其媚而揚其芬也。于是布子分罽。立經陳緯。製局謀篇。穿插掩映。將復轉離。欲粘反脫。試合兩劇。而參觀之。微特不相侵犯。且各極其變化推移之妙。嗚呼。神矣哉。予謂不善爲文者。如拙工之寫生。秦人越人。無不相似者。善爲文者。不然。伯喈必非仲喈。家臣斷非至聖也。玉茗先生寫杜女離魂。若彼矣。作者偏不畏其難。而一再攫其鋒。犯其壘。弗以爲苦。寫夢蘭之死。則達也。寫俞娃之

死則戀也。寫若蘭之死則恨也。皆非若麗娘之死于情欲之感而立言之旨。動關風化較彼導欲宣淫之作。又何其婉而多風。嚴而有體也。即至首尾二篇。以情關爲轉捩。發出徹地通天之論。造語神奇。說理平實。括三乘于半偈。韜萬派于一源。又何其解悟神通。若是歟。昔人以填詞爲俳優之文。不復經意。作者獨以古法律行之。搏兔用全力。君子于其言無所苟而已矣。不信然乎。前身花之寺僧兩

峯山人羅聘書



後序



予情渺渺引自無端此境依依因而有着剪柔絲而不斷  
亂緒偏多過逝水以難停驚波靡定都無起止心花發向  
誰邊忽有勾留意葢粘于空際益從因示現遂繾綣之非  
常以相生緣竟纏綿而莫解聯寸衷于脉脉此之謂情生  
百感于茫茫轉成爲恨情能終局歡娛皆係前塵恨少收  
場苦惱多由宿業嗟乎補情天之缺采石焉求填恨海之  
坑冤禽罔訴乃有文章大手挽恨水之奔濤肯將詞賦餘  
波潤情田之槁壤婆心隱躍假風月以寓雷霆苦口瀾翻

藉。袞。彈。而。爲。棒。喝。寄。詼。詞。于。莊。論。無。非。指。點。迷。津。寫。名。理。  
于。清。言。不。異。商。量。正。學。此。香。祖。樓。一。編。之。所。由。作。也。原。夫。  
花。生。上。界。二。枝。偶。作。低。徊。因。之。劫。墮。閻。浮。一。室。來。成。眷。屬。  
天。關。共。轉。魏。魏。手。握。樞。機。世。網。爭。投。赫。赫。途。分。靈。蠢。六。般。  
成。就。旗。邊。字。字。分。明。各。種。無。常。簿。上。紛。紛。領。受。爾。乃。協。紫。  
綬。黃。裳。之。吉。現。宰。官。仕。女。之。身。戶。列。三。星。圖。成。二。美。桐。陰。  
比。翼。翔。阿。閣。之。鸞。皇。銀。漢。交。翎。戲。仙。橋。之。鳩。鵲。情。之。正。者。  
福。用。歸。焉。別。有。孤。根。屈。曲。秀。出。卑。枝。弱。羽。離。裊。生。爲。窮。鳥。  
造。化。不。加。憐。惜。鬼。神。安。肯。護。持。是。雨。露。之。所。遺。任。風。霜。之。

交。妬。偶。登。鷲。嶺。便。稱。弟。子。陀。羅。纔。近。蓮。臺。許。作。慈。航。龍。女。  
于。是。綠。珠。堆。米。換。取。璧。人。寶。帳。垂。烟。遮。藏。金。屋。南。園。鬪。草。  
花。底。隨。肩。碧。沼。觀。荷。尊。前。聯。詠。極。倡。隨。之。樂。邊。旁。倚。此。娟。  
娟。訂。燕。婉。之。盟。固。結。期。于。世。世。不。料。貪。狼。無。饜。中。山。之。毒。  
肆。流。黠。鼠。多。謀。半。夜。之。奸。叵。測。雖。鋤。凶。有。律。堂。縣。燭。恠。之。  
犀。而。縛。鬼。無。憑。符。少。辟。邪。之。咒。嗟。乎。草。難。獨。活。花。作。將。離。  
斷。寸。寸。之。猿。腸。洒。行。行。之。鷓。血。零。丁。賦。命。子。爾。小。星。揖。遜。  
甘。心。賢。哉。大。婦。春。光。九。十。便。算。一。生。恩。愛。萬。千。難。留。半。晌。  
空。抱。重。圓。之。鏡。徒。悲。已。缺。之。甌。休。言。笛。授。花。奴。枉。說。樓。名。


香祖從此魂銷海畔。頻延屢死之生。目斷天涯再蘇雙聲之韻。帛書寄去。盼穿河北關山。油壁推來。笑煞党家風味。且向銷金帳下。凜凜數言試看。刁斗聲中。錚錚一命。于是桑扈絕交飛之想。高吟求友。鵲鳩芄蘭。釋紉佩之憂。不唱換巢鸞鳳。同全趙璧。謀從間道而歸。誰失楚弓。暗買曲張而得。入雄狐盜藪。依然不染。亭亭假雌虎獅威。猶是無瑕皎皎。無何王師自天而下。蟻賊據險以迎。九重授鉞。誇渠橫海將軍。三十登壇。是妾封侯。夫婿郎真。羆虎僕亦崑崙沙吒利。函顱有匣。敢將柳氏潛藏。古押衙救死。無丹空把。

王。孃。偷。出。鳴。虓。半。庵。落。葉。掩。此。哀。蟬。滿。馬。征。旗。難。招。別。鶴。  
徒。使。殘。魂。一。縷。化。爲。幕。上。之。烏。雖。餘。細。柳。千。絲。莫。返。樓。中。  
之。燕。情。之。恨。者。人。也。天。乎。若。乃。將。仲。子。兮。其。癡。難。及。猶。夫。  
人。也。歟。愛。惟。均。衾。裯。陳。列。鬲。之。圖。枕。簟。結。同。功。之。繭。他。生。  
未。卜。此。生。先。說。休。休。小。別。如。何。永。別。居。然。草。草。捧。遙。緘。而。  
隕。涕。高。樓。拍。遍。闌。干。坐。冷。月。以。懷。人。破。驛。聽。殘。鼓。角。獨。尋。  
蕭。寺。可。憐。少。婦。離。魂。晝。寢。空。堂。還。續。香。樓。前。夢。莫。不。以。癡。  
償。恨。以。愛。生。魔。敢。云。本。德。爲。功。恃。緣。成。福。夫。奉。行。惟。善。曾。  
司。有。紀。錄。之。神。食。報。不。虛。戰。壘。集。酬。恩。之。鬼。雖。恒。理。之。可。



信實。寓言之有。加也。至于蟻穿。蚓蝕。皆爲芳烈所招。卽教  
幡護。架擎。亦係馨香。宜有魔寧。任過義。敢稱功。若非帝釋  
前後。諄諄。將使衆生。來回曹曹。此又情關之妙。于其轉者  
也。嗟乎。舞衫歌扇。大半宣淫。檀板金樽。無非行樂。說理者  
落于腐障。掩耳思逃。醒世者。墮入狐禪。游談惹厭。惟本忠  
孝節義之旨。趣發爲布帛菽粟之詞。章質非僞。父之敷陳。  
雅異俗流。之掉弄雲霞。結綺目眩者。方知五色成文。琴瑟  
和聲。傾聽者。始識八音吹律。試問俳優陋語。可能感動至  
情。若無筆墨化工。不足維持名教。借酒盃而歌哭。自君出。

矣。奚。殊。三。疊。清。商。觸。恨。壘。以。咨。嗟。惟。我。聽。之。不。啻。一。聲。河。滿。乾。隆。甲。午。九。秋。種。木。居。士。陳。守。詒。題。撰。



香祖樓目錄

上卷楔子

情綱

轉情

蘭因

蚓配

蟻封

蘭怨

釋蚓

憐蘭

發廩

嫁蘭

錄功

觴芰

蚓悔

蘭啼

烏陣

緣終

恨始

下卷楔子

情紀

守情

哭柬

移蘭

撻蚓

投賊

劫商

射蟻

懷驛

窺營

獻馘

訪葉

殉情

埋蚓

緘恨

樓圓

情轉

香祖樓卷上

一名轉情關

天都 兩峯外史評文

鷺湖 藏園居士填詞

新城 種木山人訂譜

情旨

水調歌頭萬縷亂愁緒。一塊大疑團。任爾風輪旋轉。難透此重關。賢聖幾多苦趣。仙佛幾多惡劫。舊案怕尋看。細想不能語。老泪濕闌干。收白眼。持翠管。寫烏欄。偶譜斷腸情事。舉一例千端。不管周郎顧曲。誰道醉翁嗜酒。作者意

香林樓  
卷一  
漫漫一切有情物。如是可參觀。

楔子 情綱

沁園春。天上人間。蘭萼三枝。情關一重。在去來因裡。結成眷屬。牽連網內。漏出沙蟲。以福完全。以緣離合。興盡悲來。頃刻中。郎和妾。迸兩行愁淚。哭煞西風。憐他袞袞羣公。向宦海奔馳。苦建功。有許多縈絆。難忘兒女。許多傷感。斷送英雄。夢境團圓。天門證果。轉透情關。萬法空。知音者。聽滿堂絲竹。點點晨鐘。

苦鍾情的仲約禮。遭逢生別離。

會傷心的李若蘭。擔承妾薄命。  
不損壞的香祖樓。長貯畫堂春。  
有收場的落葉庵。可入蒲團定。

登場者。帝釋天尊。

第一齣 轉情

設布城掛情關。區關外斜設公案。上放一架插小白旗。  
六面分書情愛情福情魔情義情痴情恨字樣。案外設  
公座四金剛。二天神各戴黑白假面。擁末冕旒白衣上。

雙文  
調  
北新水令問蒼蒼情向那邊來。亂紛紛人間恩愛迷根。

天問之後又  
有此問

穿地出。戀葉接天開。塵願難諧。守定這一重關。教俺也不  
明白。坐介花分牝牡樹雌雄。何況聰明智慧蟲。一箇圈兒  
難跳。出人間甚處着。虛空孤乃欲界天中。帝釋是也。掌  
三十八萬風輪管。六千四百人種。虛空不有其量無邊。  
世界無窮。其狀不一。憫三界之擾擾。歎六道之茫茫。既  
入衆生。合嬰諸苦。酸棗一樹。福薄者摘來。轉覺香甜。毒  
箭十枝。情痴者射去。尙誇爽快。觀其源始。不離色心。檢  
其會歸。莫非苦趣。風情卽爲害本。愛戀便是禍胎。如線  
穿珠。線牽珠走。如鏡照影。影過鏡空。莫不孽由緣合。數



極○灾○生○唉○誰○能○以○戒○生○定○以○定○生○慧○大○都○着○淨○便○縛○着○  
空○便○迷○孤○與○元○配○悅○意○夫○人○典○領○情○關○總○持○色○界○則○俺○  
天○界○情○關○六○重○配○他○地○獄○輪○迴○六○道○凡○大○千○一○切○有○情○  
之○物○俱○在○本○關○轉○生○人○世○照○得○花○鬢○天○幽○蘭○院○內○有○一○  
層○公○案○應○該○今○日○施○行○待○夫○人○到○來○一○同○發○放○者○二○羽○  
扇○擁○老○旦○白○袞○神○冠○上○

佛閉雙眸恐  
留一瞬

南○步○步○嬌○天○眼○旁○觀○真○無○奈○男○女○團○成○塊○牽○纏○不○肯○開○軟○  
玉○温○香○更○番○還○債○臣○妾○見○駕○末○夫○人○少○禮○侍○請○帝○主○娘○娘○  
升○座○末○老○旦○並○坐○公○案○金○剛○羽○扇○暗○下○老○旦○臣○妾○啓○問○陛○

下。今日施行此案。是何因果。未草木昆虫。皆含佛性。生滅  
不己。是曰無常。蘭花爲衆香之祖。其品最貴。內有紫梗具  
男根者。名曰陳夢良。白梗具女根者。名曰李判官。兩花靈  
性芳魂。迴翔相向。每當風露之下。佇立凝盼。如不勝情。以  
此因緣。當落塵世。結三月伉儷之歡。遂入離恨天中。不能  
偕老。老旦既難偕老。何不免此輪迴。致煩悲楚。末此造化  
定數。誰能改移。老旦唉。知覺禍芽。胎莽乾坤。一箇烟花寨。  
末聯情使者過來。白神有。末取旗介。可將此情福之旗。  
引紫蘭黃蘭兩花到來。白持旗入關。引小生紫衣軟紗。

帽旦黃衣翠翹仙裝全上立介末夫人紫蘭當生河南  
永城仲家黃蘭本名殿講卽生於曾氏爲其正妻共享  
富貴壽考此情天難得之奇福也兩花聽者

北折桂合善人家心地培栽九朶靈芝三葉宮槐合教您

琪樹生庭芳香入夢玉燕投懷宰官身魚軒鶴益鳳皇樓

貂錦鸞釵取旗介再將此情愛之旗引素蘭李判官來白

持旗入關引小旦素衣上末三花可相見者小生旦雙執

小旦手作繾綣狀徐行介末夫人這素蘭當生松江李氏

隨母改適匪人遂作紫蘭之妾使者引他們受生去罷白

舉雙旗引小生小旦下卽上繳旗介末此三人恩愛說來  
甚可憐也展鴛衾轉側相偎橫繡枕左右肩捱霎時將金  
屋掀翻把魚貫攔開老旦看此三人才貌心情合成佳偶  
陛下尙須惜玉憐香勿使素蘭摧挫

南江兒水並照迴鸞鏡雙提金縷鞋三人結就同心帶况

他大婦愛惜此姬不加嫉妬更爲難得忍使他三月貽將  
當門害更教他三生留下相思債勸你把死別生離遮蓋  
不過是一世恩情何必將人顛壞末夫人這是他們離恨

天中注定劫數難以補救待我引幾個情場作祟的虫

包括一部法  
華妙語

兒與你一看取旗介絕情使者過來可將此情魔之旗  
引那雌雄蚯蚓及螞蟻蝨子來黑神持旗入關引窮夫  
妻及二盜上末這一男一女卽素蘭生母繼父這盜魁  
及小賊乃閩中海寇皆賊害素蘭之物可引他們各各  
受生去黑神引下上繳旗介老旦這是什麼緣故末萬  
物成形之後卽于本性中自具苦惱如智者死于多憂  
愚者死于多欲才士遭忌美人見妬忠良以介直受誅  
雄傑以剛暴見殺麝死于香象死于齒桂叢長蝨醯瓮  
生雞莫不美因美而自戕惡因惡而自毒素蘭被蚯蚓

廣長饒舌萬  
泪成河

蟻蝨加害亦其芳潔所招皆造物有心相困也

北。鴈。兒。落。帶。德。勝。令。苦。根。芽。一。點。性。中。來。莽。風。波。各。種。生。  
時。帶。後。凋。的。多。受。些。雪。天。災。先。零。的。早。畢。了。霜。風。債。呀。到。  
有。時。驀。地。現。形。骸。到。無。時。兀。自。留。魂。魄。鬥。知。覺。墮。落。陰。陽。  
界。逞。聰。明。分。填。血。肉。胎。乖。也。麼。乖。捉。住。了。睡。鄉。中。恩。和。愛。  
歪。也。麼。歪。撈。不。起。漏。天。中。色。與。才。老。旦。雖。則。如。此。然。上。天。  
以。仁。愛。爲。心。我。佛。以。慈。悲。度。世。難。道。任。彼。飄。流。踐。踏。不。  
肯。少。加。憐。惜。麼。

南。僥。僥。令。念。他。烈。自。根。苗。具。香。從。骨。性。來。眼。看。着。雪。貌。花。

膚。遭。蜂。蠆。不。肯。寫。護。花。幡。兩。字。牌。末。此。中。另。有。處。置。夫。人。

不必煩惱。取旗介聯情使者。可將此情義之旗。引裴扈。

二人。及高駕來。白神持旗入關。引文武二官。及壯士繞。

場下。卽繳旗介。老旦。此何人也。末。你道無人遮護。素蘭。

此三人者。一永城縣令裴晬。一鎮海總兵扈蕃。一紫蘭。

義僕高駕。就中保全離合。煞費精神哩。

北。收。江。南。呀。一。個。怕。衣。中。金。縷。剪。難。開。一。個。怕。風。前。柳。絮。

泥。沾。壞。一。個。把。牀。頭。寶。盒。盜。將。來。可。惜。難。續。離。絃。空。成。畫。

餅。枉。了。他。雲。踪。雨。跡。同。擔。戴。歎。浮。生。不。諧。歎。浮。生。不。諧。只。

照入江翻

壁

排場變換雙  
峰一束

難爲天眼

香前樓  
卷上  
六

落得與君營奠復營齋。我和你同倚關樓。一望大千世界。  
去取旗介兩使者可將情癡之旗。引紫蘭情恨之旗。引  
素蘭到空際分別示現。與夫人觀看者。二神持旗左右。  
分下撒座。末老旦同入關登城並立。介老旦呀。這閭浮  
界中直恁擾攘可憐也。

南園林好各途人。榮枯盛衰各樣境。盈虛去來各種情。貪  
嗔癡愛儘氣力恣支排。没把柄盡丟開。白神引小生冠帶

左哭上黑神引小旦尼粧右哭上兩人欲相見二旗遮  
隔轉旋不得見各哭下末夫人可見紫蘭之癡素蘭之



恨否。

分攝後文

花房小賦可  
入秘丰

北。沽。美。酒。帶。太。平。令。鏡。中。花。別。向。開。鏡。中。花。別。向。開。藕。中。  
絲。續。不。來。這。壁。廂。哭。倒。了。青。蓮。九。品。臺。那。壁。廂。夢。香。樓。誰。  
在。魂。冉。冉。算。和。諧。俺。這。一。座。情。關。可。也。害。人。不。小。哩。鎖。雙。  
扉。丹。房。散。彩。懸。百。雉。玉。齒。連。顛。倚。巫。雲。譙。樓。春。靄。敲。峽。雨。  
刁。斗。聲。哀。關。呵。列。幾。座。礪。臺。箭。牌。圍。緊。了。溫。柔。疆。界。呀。包。  
藏。着。尸。林。泪。海。老。旦。敢。問。此。關。何。時。可。破。末。若。求。大。破。情。  
關。必。要。先。除。塵。劫。更。須。一。物。不。生。方。可。萬。緣。皆。滅。且。待。

蘭花公案完結。再作商量。合。

當運河車之水以灌之

一往情深宜  
膺艷福

南尾聲危牆一堵嚴中外。不比那日射潼關四扇開。這是座哭不倒的長城空將情泪灑下。

### 第二齣 蘭因

小生紫衣紗帽 未院子隨上 呂南于飛樂碧桐陰。丹鳳偶結人世大羅仙。

眷閨房內更無多願。玉齊肩香沁體。比他荀倩把春韶自遣對紅蕉。柔情細展金門。早上萬言書抵掌談兵弔望諸。

持鉞請纓將有待。昇平聊且賦閒居。下官姓仲名文。字

約禮。河南永城人也。系重太邱家傳明德義門。積累詩

賡述祖之篇。經筵留傳言守趨庭之雅。家君首之公官

好句似仙

清麗而雄

居副憲臺凜秋霜。學紹白沙。壺藏冰雪。下官早登上第。備職中樞。觀政于兵部三年。乞假在里門一載。夫人會氏。典雅幽閒。柔嘉靜好。托閨房之益友。結琴瑟之古歡。昨于園內新造小樓一所。今已落成。不免同夫人登賞片時。高駕請夫人出來。末應下丑小旦婢侍旦上花外。盡栽連理樹。鏡中雙照比肩人。見介夫人樓成堪倚春。去可憐。同夫人去憑眺一番如何。旦甚好。相公請執手行介。小生是好一座畫樓也。合。

梁州新。耶珠簾。一桁瓊窓八面雲母屏。風六扇。登介樓居。

人。妙。烏。紗。紅。袖。相。連。小。生。夫。人。你。看。黛。染。羣。山。綠。開。千。畝。  
真。箇。江。山。如。畫。也。漫。說。陳。家。百。尺。陶。氏。三。層。俯。視。河。山。便。  
雕。闌。同。靠。也。態。媽。然。死。做。鴛。鴦。不。羨。仙。旦。高。樓。延。景。畫。棟。  
倚。雲。牋。墨。在。此。相。公。題。一。匾。額。用。錫。嘉。名。吳。綾。膩。霜。毫。健。  
試。郎。君。腕。力。游。龍。變。初。日。上。翠。楣。鮮。末。捧。花。盆。上。同。心。人。  
有。雙。棲。樂。並。蒂。花。宜。一。處。開。啓。爺。本。縣。正。堂。裴。爺。送。來。  
蘭。花。一。盆。不。知。可。收。否。小。生。向。旦。介。裴。公。雅。人。深。致。那。  
有。不。收。之。理。向。末。介。可。取。我。帖。兒。回。覆。說。另。日。面。謝。末。  
放。花。几。上。應。下。小。生。方。將。題。取。樓。名。恰。好。送。來。佳。卉。我。

想幽蘭爲衆香之祖。竟名爲香祖樓。可好麼。旦好一箇

香祖樓。就請相公寫起來。二婢擡桌承直。小生書介旦

前腔分藤枝瘦。行鞭根健。鶴骨松筋齊現。好結構呀。驚鴻

遊戲斜飛暗落。皆妍侍兒懸掛起來。場後設幔。二婢掛匾

介旦妙呀。便置鍾繇帖內。索靖碑前。真贗誰能辨。樓以蘭

名。蘭將樓貯。真佳話也。比似山陰亭子上。浴蘭天花氣香。

含墨氣鮮。小生夫人未免過譽了。丑嘆這蘭花爲甚。三朵

生做一搭呢。小生兩花同本。名並頭蘭。怎生竟有三花合

蒂者。大奇大奇。旦不但此也。你看中央一朵是紫心。左邊

工儂

慧心四照  
口雙吹

純用自然

一。朵。是。黃。心。右。邊。一。朵。畧。小。些。却。是。素。心。小。生。真。異。品。也。  
魚。同。隊。珠。成。串。映。江。郎。筆。彩。開。生。面。三。影。並。又。三。變。且。奇。  
葩。現。瑞。必。有。妙。因。奴。家。想。來。莫。非。尙。有。一。箇。佳。人。來。作。  
相。公。之。妾。以。應。三。人。同。心。之。兆。小。生。笑。介。天。人。特。會。取。  
笑。那。有。此。事。且。

針。線。箱。對。駢。枝。兩。情。相。眷。須。同。享。朝。飛。暮。捲。抱。衾。裯。定。有。  
雙。棲。燕。一。點。素。心。纔。展。小。生。我。與。夫。人。一。床。兩。好。已。爲。難。  
得。豈。敢。別。惹。閒。情。另。生。枝。葉。且。雖。則。如。此。情。緣。果。有。天。合。  
相。公。亦。難。引。避。縱。然。你。石。家。蠟。燭。何。會。剪。忍。令。他。樓。上。花。

惟不博愛乃  
得情專仲君  
於箇中消息  
可云了了

識語

伏下

枝笑獨眠知難免。是三生石上結就姻緣。小生古今倫理  
之間。頗多缺陷。下官事事美滿。倘存無饜之心。必受十  
分魔障。夫人此話。再休提起了。

東甌蓮形相愛。影相憐。肯向洪厓又拍肩。從今不受游絲  
罥。辭謝了東風。便肯學他等閒輸。却賣花錢。恐負了美夫  
妻好姻緣。翻做惡姻緣。且這也未必盡然。何須過慮。及此

末啟。爺。扈將軍奉命鎮守福建。經過此地。已到十里郵  
亭了。小生呀。這是我的老友。必須往迎。一話快些。僑馬  
伺候。且我們下樓去罷。小生

瑣瑣王當爲  
情死矣

語妙

尾聲將軍海上新傳箭。讓他華髮寫凌烟。下官少刻回來。  
還要與夫人小飲看花哩。夫人哪不信說自古多情損少  
年。分下

第三齣 蚓配

過曲柳穿魚

中淨

媒錢聘禮假銀多。七扣加三滾老婆土罐

子兩番燒已破。油瓶兒一具有人拖。槽溝洗。袖鞭搓。第二

卯開爐且下一火。自家姓李名蚓。混號兩頭蛇。本是福建

人。在此永城地方。開一座傾銷兌換銀店。手段高強。機  
謀廣大。覓你客商血本。下爐卽有抽分。任伊官府錢糧。



猛省

改錠便無足色。畫絲刀挑柚鉗。般般作弊。化鉛鍋炸硝。罐件件使乖。扯東益西。抵數只爭遲早。瞞上買下。交兌全靠挪移。鹽課稅課。大都挖井填坑。糧房庫房。幫助偷天換日。如此生財有道。應當腦滿腸肥。誰知到老無成。依舊嫖光賭淨。閒話少說。小子半世飄流。未成家室。昨日說了一箇松江寡婦邱氏。却有一箇帶頭女兒。雖然目下多了一口喫飯。畢竟日後賣他幾兩花銀。算來不會折本。此刻將次進門。待我點起花燭來。下淨媒人老旦媒婆丑新婦騎驢襍挑行李同上丑

十棒鼓紅鸞兩次花星動。慣把叫驢控。新郎有一把提火  
鉗。新娘帶着個水銀礦。由你攙銅。霎時走汞。管教他煤爐  
子裂條縫。風箱兒扯箇洞。淨下驢來。李師父新人到了。中  
淨上有勞老哥。喫杯喜酒去。淨我鐵舖內有人打丁。不  
得工夫。丑你索性送了我女兒來。再去打丁。不遲淨也  
罷。就來就來。下老旦你們來拜拜天地。我去了。下中淨  
扯丑作態全拜介中淨

撼動山助夫益子有家婆。天地保佑我。交拜介銀婦配銀  
夫。底與面低潮貨。娘子你是箇拱心錠。擡頭鏢細絲裡嵌。

泥螺。燻一箇也麼。傾一箇淨引小旦白衣上。雞鳳已成銜。  
石鳥女。蘿今作寄生枝。淨卽大娘令愛來到。我去了。下。  
丑若蘭過來拜了爹爹。小旦泣拜介。中淨好箇人兒。到  
也長成了。丑恐有客來。隨我後面去。引小旦下。中淨笑  
介。妙哉。此乃區區發財之大本也。外淨老旦同上。暫拋  
白羊肚來看黑元絲。喂李哥。我們賀喜來了。中淨原來  
店中各位兄弟。賜光何以克當。淨一同進去看嫂子。全  
入卽出介。好新人有福氣。列坐介。哥的喜酒就喫罷。店  
中事忙哩。中淨待我取來。丑改裝上好哥哥都來了。不

等我一等。中淨取酒上便一同坐了罷。丑我要進去看

嫂子。中淨此刻在厨下。少刻見罷。外喜筵須要執開待

我行起令來。老二你叫做螻。我唱箇曲兒。你飲一杯。

黃鶯兒。銀灌。胖蝦。蟊。恃貪。嗔。作怒。蛙。并梁邊。自覺。生來大。

癩皮兒。體花。脹酥兒。肉麻。老盧。全寫不盡。你偷天法。漫喧。

譁。龍船鼓。鬧看你。喫硃砂。淨飲介。好罵好罵。老大叫做嗎。

咋我唱你喫。

前腔。銀變老蝗。蟲恣貪。饑喫得。肉啖青苗。害絕了田家種。

掃東臯似風。捲西疇一空。便迎貓祭虎。成何用。美斯。螽飛。

可吳

可怕

如流賊滿地哭饑鴻外好罵好罵飲介丑老三叫做蝸牛

你喫我唱

前腔銀鑄小蝸牛吐貪涎滑似油假斯文寫字充蝌蚪肉

軀兒太柔角尖兒欠道壞牆陰蠻觸猶爭鬥笑蜒蚰藏身

無宅難縮殼中頭老旦飲介老四叫做蜣螂我唱來大家

喫一大杯

前腔銀打黑蜣螂厠踰邊覓口糧儘鑽營含糞爲生長尋

贖避香辭香就贖老廉頗一飯三遺餉歎迷方投身不潔

逐臭久相忘丑好罵好罵中淨我連日未到店中有何生

可鄙

可笑

起下

意淨。昨日本縣發下傾銷元寶。我們將黑鉛廣錫灌在  
裡面。換出銀心數千兩。另日取來分用。中淨如此甚好。  
丑。足見嫂子命好。一到便發大財。末上我仲府高駕。聞  
李銀匠今日娶親。特來一走。中淨阿呀。高大爺因何光  
降。末知你大喜。特來相賀。中淨折煞了。殘盤不敢相屈。  
怎好。末另日取擾家爺在縣衙赴席。就此告別。衆得罪  
了。末下。衆醉介。多謝盛席。我們去了。中淨明日謝步。怠  
慢休性。閉門下。丑阿哥。老李進去起爐呢。外干你甚事。  
淨我們回店。再將那話兒收拾一番。勿露破綻。爲妙。衆

有理外。他的火耗。月月重。淨銀子。空心鑽了洞。老旦官。肥吏飽。匠人偷。丑有限。脂膏同享用。下

第四齣 蟻封

生黑布裹頭短甲上垢膩生我身。絮毛爲我足。中淨白頭短甲上禪中世族繁。未可具湯沐。生俺王捫中淨俺江養生。同是馬大王麾下頭領。分掌本營蟻蝨兩軍。中淨今日大王升帳。須索轅門伺候。內鼓吹隊子引淨黑

蟻賊裝上

中 遶紅樓壘土爲巢。踞海疆弄兵戈。撼樹稱強。老旦紅蟒

須有杜漸防  
徽之計

賊妻上槐筴旁支檀蘿外戚封號老蟲娘。淨夜郎夫婦逞  
英雄。穴柱穿堤善守攻。老旦莫笑么膺難抗敵。自來邱  
垤。泰山同淨。俺牀下大王馬義。老旦俺硯北夫人蚌氏。  
淨夫人俺和你生長崑崙之墟。嘯聚蚍蜉之島。附羶而  
集。戴粒以遊。齧木爲糧。層臺作穴。夏遷山北。冬遷山南。  
居避鸛鳴。行避雞啄。同氣不門。偕行有聲。力可貫珠。勇  
能舉鐵。行磨而仰窺天文。負土而俯知地利。想俺祖上  
受恩必報。難忘宋氏之編橋。感德能酬。遂出董公于黑  
獄。不料近年被土豪作踐。酷吏誅求。或灌沸湯于穴中。



或埋煇炭于戶外人不聊生居難安枕因此聚眾跳梁  
揭竿謀反多虧夫人足智善謀用兵有法今日天氣晴  
和俺欲令將士操演一番尊意若何老旦分付大小三  
軍擺齊隊伍卽往校場者眾吶喊行介合

尾犯序海色照旗槍馬號元駒兵聚封狼床下牛鳴更分  
列成行來往鴉兒隊軍容比壯烏蠻寨鞭聲競響夫和婦  
有些兒羶行同慕大官羊淨老旦登臺並坐生中淨左右

兩營領兵大將打恭淨王將軍前日分付打造天槌天  
鉞木螳螂鐵蒺藜天羅虎落天浮轆轤各件軍器可會

完備。生完備了。淨江將軍所辦帳房旗幟糧草火藥。可  
能應用。中淨俱已停當。老旦我傳授爾等六花陣法。可  
會演就。生中淨演完了。淨敢問夫人陣圖大意。老旦此  
陣本于孔明八陣大陣包小陣。大營包小營。隅落鉤連。  
曲折相對。方圓交互。奇正相生。步軍在前。馬軍在後。凡  
二十步立一隊。前進以五十步爲節。吹角四聲。步軍就  
列起鼓一通。三呼三擊。自三十步至五十步。以致敵人  
之變。馬軍從背殺出。前正後奇。再鼓一通。前奇後正。伺  
隙擣虛。以求必勝。軍士們擺陣者。衆得令。走陣介。

番馬舞秋風。隊伍安詳。金鼓旗旌耳目。當只要盤旋合律。  
進退無愆。變化非常。老旦軍士們。凡三隊合。則旗相倚而  
不交。五隊合。則兩旗交。十隊合。則五旗交。衆得令。走介龍  
蛇升降法。陰陽風雲錯綜。占爻象。老旦分付軍政司吹畫  
角。內吹角介。老旦軍士們。開五交之旗。一復散而爲十。開  
二交之旗。一復散而爲五。開不交之旗。一復散而爲三。走  
介。試看欵斜帶圓方。總不離乾坤樣。老旦好各賞肥羊。一  
控銀牌。一面回營休息。衆衆軍謝賞淨。夫人韜畧神奇。  
眼見大事可成矣。下臺介。老旦呀。風過處好一陣異香。

迴合

妙語

雪間鑑羽天  
上孤芳二語  
括盡

香社樓

卷上

二將啓大王夫人前山蘭花遍放故爾香飄十里淨大  
笑介妙哉俺性愛蘭花分付移營前山駐札去衆得令

繞場介

餘文六花開王心蕩又引出山蘭一陣香做一箇蟻蝨秦  
官去採芳全下

第五齣 蘭怨

仙呂 紫蘇丸小旦 樊籠閉了華亭鶴夢兒中幽蘭一朵厭粧

梳無計遣愁何咳綠窗自把殘絨唾前身今世兩茫茫短  
夢淒迷放不長一點餘芬沁肌骨胎中曾帶女兒香奴

家小字若蘭。本係松江人氏。母親改適李門。將奴帶來。隨養寄寓永城地面。咳身同飛絮。未知落溷飄茵。人比幽花。但覺無情有恨。奴看繼父手藝低微。心腸貪險。來往市井胥役之流。多是狗黨狐羣之輩。將來必遭奇禍。悲介桃僵難代。巢覆可憂。奴家不能奮飛。徒然困守。如何是了也。

楚楚悽悽深  
乎怨矣

醉羅歌 一日一日眉峯鎖 一歲一歲泪痕拖 淡月東升日

西。綉。針。箱。線。帖。銷。除。過。奴。想。人。生。世。上。少。甚。麼。香。閨。繡。閣。  
翠繞珠圍。父母愛惜于掌中。兄弟追隨于膝下。偏奴自幼

沉舟澤畔干  
帆過枯樹邊

旁萬木春賦  
命不齊大都

如此

迷離悄恍情  
韻雙絕

香神樓 卷上 十一  
孤。悽。至。此。咳。天。哪。悲。介。便。做。牽。蘿。補。屋。天。寒。袖。薄。鳴。機。倚。  
壁。隣。燈。借。鑿。蕭。條。不。似。悽。惶。我。行。無。那。眠。欠。安。敢。學。他。綠。  
雲。鬟。下。送。橫。波。最。可。異。者。常。時。夢。中。見。一。位。紫。衣。少。年。攜。  
着。箇。佳。人。在。一。所。小。樓。上。面。玩。賞。蘭。花。見。奴。只。是。嘖。嘖。  
相。笑。這。是。什。麼。緣。故。

醉。歸。花。月。渡。樓。中。執。手。花。前。坐。將。人。不。住。溜。秋。波。笑。臉。相。  
偎。暈。紅。渦。喁。喁。悄。語。難。猜。破。窺。他。似。夫。妻。一。雙。心。性。和。對。  
芳。華。一。枝。幽。意。頗。夢。裡。誰。何。無。端。的。暗。尋。我。他。既。是。人。雙。  
對。怎。湊。上。奴。三。箇。奴。心。正。難。明。白。忽。起。一。陣。邪。風。吹。落。下。

許多蟲蟻將奴亂撲驚醒此夢每月中必有一二次好難  
解說也不爭的暗爲王孫換綺羅恰趁這二月楊花撲面多  
丑上夜識金銀氣朝隨夫豕遊女兒這是仲府高伯  
伯送來蘭花說是夫人樓上賞玩異品我與你插在鬢  
邊你進去照照鏡兒看全下二襟鎖中淨上懼法朝朝  
樂欺公日日憂銅銀塞腰內鐵鎖挂肩頭中淨這是我  
家下二位放我進去與妻子說句話襟好自在性兒官  
府立等聽審衆人早到衙門了中淨沒奈何元絲兩錠  
送二位買茶喫畧停一停襟只怕是精銅我們不要中

大聲疾呼曉  
鐘連聲

淨豈有此理少刻剪開看便了。襍也罷做箇情罷快叫  
門中淨娘子開門。丑上呀這是什麼意思。中淨只因夥  
計們盜換傾銷元寶被官府看出一併鎖拿去了我特  
地與你一面今番性命休矣。抱哭介中淨

羅袍歌銀子從來生禍把身家性命加利還他若要追賠

這點些小家私皆不能保全了寶船翻轉葬鯨波銅山立

化遭天火。丑我的夫我的衣裙首飾可留下麼。中淨這也

未必丑哭介篋中珠翠箱中綺羅手中銀鐲腰中玉鎖若

還拿去心如割。中淨身外之物何足挂意只是我的性命



卷重其重

徵詞

賤胎貴相伯  
仲倡家

要緊丑銀錢是你的性命衣物是我的性命你的性命要  
緊難道我的性命就不要緊麼我當初只道銀匠是不會  
窮的方纔嫁你呢錢神廟財帛窩做一箇喫穿不盡掌家  
婆哭介天哪早知今日我怕沒有人家嫁去嗎襍婆子特  
也性燥此時尙未說到變產爲何如此着急丑不要你管  
我是過不得苦日子要打牌喝酒早睡遲起還要聽聽鼓  
兒詞自在受用慣了的呀我只好閉着過頑着樂我只好  
口啣煙袋伴情哥末上這是李銀匠家何以這等炒鬧入  
介呀李師父爲何犯了罪中淨高大叔來得好救我一

大謬不然

破的語

救末你且說來中淨我因前此娶親在家幾日不料店中夥計偷換官寶今早發覺株連區區立刻鎖拿的大叔看平日交情設法救我性命則箇襍瑣碎得緊他有什么手段救你趁早去罷扯中淨同下末這也出人意外之事丑跪介大叔全靠你替我們做一箇主張末嫂子請起那偷換的銀子可曾帶來家下麼丑說了大家分用却還不會拿來末這就好了你可悄悄對他說當官極口抵賴全不知情再多出些銀子買囑夥計們不要攀扯只說攀了別人救不得你們務要衆口代他洗

重言以申明  
之難圖以非  
其道

明便可無事。我卽回去。苦求家翁。致意縣官。辨明冤枉。  
必有生機。丑天叔。須要瞞了你家仲老爺。不可說我老。  
公知情。末這箇自然。若說知情。仲翁豈肯相救。丑如此。  
多謝。末我去了。急下。丑佛哪佛。我平日也喫些花齋。你。  
難道就不保佑。保佑我麼。咦。我這兩隻手。鐺穩了。是我。  
的了。快活快活。笑下。

第六齣 釋蚓

正官 破陣子

生冠帶上

美錦方慙學製。蒲鞭未敢輕獻。不見甘棠。

栽萬手。惟聽饑鴻集。四郊空言撫字勞。書生幸作牧民官。

可云明目聰  
耳者

苦語

拙宦

忠愛之言發  
人深省

掣肘違心事。事難計較貪廉兩無益。不如安穩受饑寒。  
下官裴琬字樹芳。錢唐人也。由甲科出宰永城。待罪三  
年。負慙五夜。研經讀史。喜翻循吏之書。捧檄專城。轉棄  
儒家之術。學宗孔孟。乃知都是迂談。法用申韓。守此方  
爲治。譜一籌莫展。但計繭絲有所不爲。真同木偶。今歲  
旱蝗相繼。禾麥未登。雖報偏災。懼干嚴飭。咳在上日。以  
奠安黎庶爲懷。承乏每以慎重。錢糧爲念。究之荒年。何  
損昇平。何況天澤從無吝惜。我輩旣憂芻牧。復畏簡書。  
罪業滋深。愆尤日積。如何是了也。

天地至仁難  
補報

冷水洗背

五字酸心

惜弟君子

錦纏道聖明朝愛蒼黎。最勞免賦。緩征徭。賜金錢。恩  
波似海如膏。爲甚的慶豐登。疇半焦頌。倉箱男婦偕逃。  
雲密布。西郊各衙內。妻孥醉飽。內喧介。百姓餓死了。求老  
爺救命。呀。外院子上男婦數千人。手執線香。在大堂下跪。  
着哭叫。怎樣處置。生你出去說。本縣報災文書已出。尙未  
批回。遲一二日。自然散賑。且忍耐些兒。不可生事。洒泪介。  
外應下生愧死我也。發粟犯科條。問誰敢公然矯詔。只落  
的當餐投箸。泪橫拋。外上兵部仲爺差人下書。生拆看介。  
呀。仲兵曹令祖發心平糶。約明日將存貯米穀數萬石。

暫救災民以待有司將來放賑好了不但萬戶得免流亡。下官亦可少寬拮据矣。又看介附啓者銀匠李蚬乃弟隣人傾寶之時伊在家娶親數日不曾往店實係駁計犯法伊不知情可否釋放無辜實爲德便點頭介院子向來人說書中所言一一領悉容發回書着他去罷。

外應下生

從來萬金之家可爲百人之母所以國家藏

富於民不肯輕易賤削咳仲太翁如此積德真可敬也

朱奴兒散倉廩鄉人共飽鳩鴻鴈陰功不小慚愧催科書

上考曠官職鬢髮徒搔只是李蚬那厮麀頭鼠目此案縱

知人

結句點題

夫人一往情  
深風流惆儻  
管仲姬之流  
也

不在內終是一箇凶狡之徒。既然仲公代他申雪，只得就  
事論事，且放他去，不便深究了。燃犀照奸邪，怎逃且暫脫。

鯨魚釣下

第七齣 憐蘭

商調憶秦娥前

旦引中淨婢上

簾波細一枝。花影將奴帶，將奴帶暮

和花坐朝。和花睡。南鄉子。所事挂心頭，似惹閒愁。不是愁

樓上徘徊樓下立，難丟悄地迴身。又上樓，可是為花畱。

花要人憐，却又羞我拚捨他。他不捨溫柔，不風流處轉。

風流奴家曾氏，得配仲郎人。誇名士傾城，自喜文鸞彩。

鳳前者造了這所香祖樓內貯幽蘭三本我夫婦徒倚  
其中冷吟閒醉不覺又過兩月近因年荒米貴我家太  
公發粟賑饑特命仲郎經理去了獨坐花前頗形容寂  
不免取絲桐消遣一回侍兒取瑤琴過來婢抱琴安几  
上旦理絃介末引丑小旦上這裡來丑

憶秦娥後人間白玉環難覓思量無物酬恩義小旦酬恩  
義低頭掩面將前還退末啓夫人銀匠李蚓感老爺救命

之恩合家前來叩謝小人畱他外面等候這是他妻了  
女兒過來見了夫人丑小旦拜且介不消如此呀好箇



人兒老媽你姓什麼合愛叫甚名兒丑小婦人印氏後

嫁李門女兒小名若蘭是前夫所生旦噫若蘭好呀好

一箇若蘭呀侍兒你陪老媽樓下坐坐合愛畱在此與

我談談使得麼丑啲夫人擡舉正好教訓他一番阿姐

我和你樓下耍耍去同婢下旦携小旦介蘭姐你坐下

來小旦夫人在上小奴怎敢旦不妨坐了好說話哩小

旦告坐了側坐介旦姐兒你本貫何方因何到我這裡

小旦掩泣介旦呀怎生傷感起來小旦

二郎神吳儂系出雲間愧單寒門地做了箇燕墜空梁垂

覺悟迷離靈  
空縹緲

香社樓

卷上

三

薄翅踰淮涉汶隨風下上差池呀夫人顏面好像小奴在  
何處見過來且笑介我自來難得出門你又不曾到我家  
如何得見小旦想介認一片慈雲會拜禮敢宿世蓮龕依  
侍。咦。並且這座畫樓也似小奴熟遊之地好奇恠呀暗低  
回這丁丁屐齒何時會上樓梯旦起立背介

八字爲賦美  
人者所未到

前腔

換頭

姿儀

看他愁來更美

時轉媚

爲什麼

件件般般

都如我意

笑盼介我若是東隣宋玉和他定做夫妻

轉向

介看你似一朵芳蘭香竟體

不枉你小名兒與幽叢相比

樂而不淫二  
南風旨

姐兒近坐介問蛾眉可曾受温家玉鏡臺兒小旦搖頭轉

觸目傷懷失  
意人大都如  
此

身介呀果然有益蘭花在此玩嗅介

集賢賓相逢。歷歷皆可疑。更花葉離披。咳。算人到飄蓬難  
似你坐高樓。免兩妬風欺。况有箇夫人愛惜。勝柳絮萍花  
無蒂。泪介旦你有甚悲楚。直恁傷心。小旦夫人哪。我腸斷  
矣。待陳訴。未堪提起。旦我和你一見相親。正非偶然。你有  
甚心事。說來不妨。噫。我知道了。

集賢聽黃鶯。敢則爲移根失所。多慘悽。怕沒箇花籬。小旦  
哽咽介旦咳。算眼底何人能護你。不由奴心下疼。伊姐兒

一片佛心

人生佳偶少。諧知心難遇。似你這般風致呵。是一本蟠根

慧舌香心再  
再改出

香前村  
玉李合嫁與王昌爲配。可是麼。因此上泪偷垂。把春山蹙。  
損生恐鳳隨雞。小旦跪介。小奴心事盡被夫人覷破。旦扶。  
起介。如何。小旦不敢相瞞。這一座畫樓呵。

前腔尋常夢裡來。幾回所以一見夫人。就面熟得緊。羞介。  
不好說得。尚有箇人兒。穿一件紫豔宮袍。剛稱體。夫人莫。  
不是你的金閨夫婿。旦這也奇極了。小旦則這盆蘭花呵。  
也會相認識。敢是我的秋魂前世。太支離。請夫人詳解。免。  
我亂猜疑。旦呀。

二犯二郎神聽他絮語真箇奇。是天定誰知。背介。我正有。

言語妙天下  
如蔡澤上丞  
相書口吻

絮絮嗚嗚令  
人心醉情死

心與仲郎作合不好啓齒似他這等說來呵這三秀連枝  
非偶爾素心人應共雙栖向小旦介我有句話見不好唐  
突你怎好小旦夫人但說無碍旦笑欲言又止介我家老  
爺呵把金屋安排虛此位姐兒賦同居可好將來屈你瘦  
肩隨論年紀只好相稱若蘭賢妹小旦小奴身如斷梗若  
得服侍夫人更無他願

鶯簇一金羅情願着青衣免寒鴉擇樹栖學夫人敢並書  
家婢但熏衣洗硯粗能會旦咏于飛賦同歸若還遂得我  
心兒便緊緊偎小旦若還遂得我心兒便緊緊隨旦和你

輒喚奈何

伏筆

伏筆

千憐百愛粧臺不離。小旦謝你知疼着熱粧樓共依。旦仲  
郎呀管教你相逢花下非秦贅。丑上老爺已回府我丈夫  
叩謝過了。女兒辭謝夫人回去罷。旦攜小旦介後會方  
長保重身子爲要。小旦泪介丑嘆半日在此捨不得去  
了。不如留下伺候夫人罷。旦好說老媽媽我有一句話  
明日遣高駕來說你夫妻必要依我。丑我家受恩深重  
但有分付敢不遵命。旦去罷。小旦留連介小生上才向  
汀洲看鴻鴈。又歸池館伴鴛鴦。與小旦打照面。丑小旦  
全下。旦相公回來了。小生這就是李蚓妻子和女兒麼。

雅謔

映照生情衆  
生同哭

歸源

含蓄自留餘

旦正是相公看他女兒何如。小生舉止嫻雅不似小家  
兒女。旦笑介。過譽了。婢請老爺夫人下樓用晚飯。小生  
夫人請旦合

琥珀貓兒墜。蟬聲搖曳。已在夕陽西。同下紅樓。雁齒梯。旦  
灾民光景若何。小生咳。不要提起罷。一般夫婦歎。此傷悲  
啼。如此生靈恁般天意。婢月兒才起。鴛鴦已都睡熟了。小  
生夫人鬢邊蘭花好香也。

尾聲。鬢鴉垂。蘭芬膩。旦相公我今日呵。別有一片奇香染  
素衣。小生此話怎說。旦笑介。不要你管。若說出就裡風情。

味

此篇結構簡  
潔尺幅有千  
里之勢

香前樓  
卷一  
只怕狂煞了你全下

### 第八齣 發廩

末持算盤賬簿上。生者做饑民。死者為餓殍。借重五瘟  
 神。一半收拾了我高駕奉老主人之命。總理發粟賑濟  
 之事。約計四十倉米穀。分設天地元黃四大廠。每廠下  
 又各立八小廠。使城鄉之人。先在總理處報名領票。東  
 西南北各認一廠。以次散給。不致混亂。最可憐者。天時  
 亢旱。瘟疫流行。這些枵腹之人。如何當得生病。為此我  
 家老主人。又設立藥局。製造各樣丸散。施捨其病故者。



一則以喜一  
則以懼

天無私怒

苦海香羹不  
異伊蒲之饌

各領票到棺木店中領棺埋葬算來已有半月活者十  
餘萬口死者七八千人咳滿目瘡痍天心未轉十旬枯  
瘠時雨不來你看紛紛藉藉男婦老幼又來領米了我  
且上臺去辦理則箇下襟扮男女饑民上

雙調

孝南枝人心壞節令愆天公惱了不見憐早魃自專權

蝗蝻獨蒙眷太陽已出仲家開倉了我們快去領票子呀

誰道年凶人賤頓覺飯甕留香加餐同勸下襟男女扶病

人上試看溝壑餘生幸借靈丹轉我們這些病人多虧了

仲家施捨的丸散服下立刻好了一半回去罷苦命長窮

苦語成趣

江西陋俗

總括繁嚴

此篇細膩風流中有奇情異彩

壽延惟願飯牛翁比牛健一襍男子白布裹頭哭上

前腔人敲鼓鬼上船端陽逐家收醮錢無力祭都天誰能

擺瘟宴哥瘟疫流行各家不幸皆損傷了人口同往仲家

領棺木票兒去衆有理不用藥裡嗟怨蘆蓆包纏囤皮偷

捲幸有三寸桐棺藁葬皆除免千戶墳萬竈煙都是他種

福田佛心善全下

第九齣 嫁蘭

仙呂鵲橋仙旦引黃金一秤明珠盈斗買斷相思紅豆但生

歡喜莫生愁料得定團圓今後鴉鬟十五唱羅敷我見猶

作思

憐况老奴羅帳四垂紅燭背滿身花影倩人扶奴家曾  
氏自見若蘭之後花前執手依依未免有情鏡裡迴身  
忽忽若有所失昨遣高駕前去說合欲與相公納爲側  
室不料李蚓這厮忘義居竒定要千金財禮奴家氣他  
不過暗向母家移掇一千銀子竟叫高駕送去卽具鼓  
吹肩輿立刻迎來想他再無異說這幾日相公散賑事  
忙尙未向他說起且待若蘭到來出其不意令他恟恍  
迷離豈不有趣呀樂聲到門敢是若蘭來也未引鼓吹  
彩轎丑送上未住了入介禀夫人新人到門了旦侍兒

滿足語反照  
下文

諸曲如剝蕉  
心白描神手  
元人下拜

出去迎了新人進來婢扶出小旦丑隨入末引衆下小

旦夫人請坐小奴拜見旦常禮罷丑小婦人叩頭恭喜

夫人旦侍兒領印媽媽下面坐去婢引丑下旦笑介嘖

嘖嘖真箇是我家的人了小旦多蒙夫人不棄厚恩小

奴感激涕零不能成語旦痴兒此時應當破涕爲笑才

是你且坐了小旦告坐介旦若蘭呀自你那一日去後

呵

月雲高初三下九我心兒暗拴紐未識伊情緒盡說奴消  
瘦一樣裙釵却怎的春懷逗只怕難如願却幸緣相就難

道是未卜他生合便休肯說箇不及盧家有莫愁小旦小

奴自那日見了夫人呵

前腔心如中酒當餐未霑口夢逐花搖顫魂繞娘前後才  
曳梯裙又躡欄邊袖自分雕籠閉忽解繚鈴扣今日裡重  
轉仙人白玉樓則待要斜倚紅鸞笑不休婢上老爺回來

作者每用成  
句工巧無痕

了旦且扶新人後面去婢扶小旦下小生上一封寬大

詔四海發生心旦相公回來恁早小生今日奉旨散賑

縣官開倉辦理老公公命我撤去各廠只捨藥施棺照  
常給發夫人在此何事旦我在此說夢小生夢見什麼

微雲初起

醋吏文致總  
是其須有三  
學生出

覆坐尤酷

香神樓  
來旦昨夜夢見相公討了一箇新人生得甚美小生啣  
夫人夢中敢氣壞了麼旦夢非無因我平日勸你娶妾  
你却假惺惺必定你心下有所思量所以我才有此異  
夢小生笑介又來冤枉下官我與夫人豈有假惺惺之  
理旦這也難道

月上五更說是心中殼難除意中有憑你會掩遮讓我能  
參究小生這是那裡說起旦你前宵夢中嚙語却怎生說  
出李若蘭三字不要賴了小生豈有此理旦若不念一轉  
秋波誰開睡時口你若果然愛他不妨向我明言自然與

禁口生

你作合。小生起靠椅背笑介。荒唐之至。且爲甚麼同床各  
夢。將情漏。你若爲彼低回。奴當成就。小生夫人這些話。忒  
也好笑。且我看那女子。頗覺可人。不如相公真箇討了他。  
奴也得箇美人相伴。不但伊雙畫眉。雙攜手。便奴家饑來  
也得餐他秀。似此周旋。問卿然否。小生莫非夫人多飲了  
幾杯。故爾說出許多醉話來。

月照山。故把金鈴咒。分明帶杯酒。只管喃喃語。不顧人消  
受。調笑雖多。今番大差謬。且我好意體貼你。怎麼倒不耐  
煩起來。小生那李家女子。我只撞見他一面人。也看不明。

辯得老辣

香姐樓

卷七

七

巖合生姿

七人小像

轉得靈通

鴉得奇怪

白○有○甚○思○念○來○啣○難○道○行○雲○流○水○皆○吾○耦○怎○把○風○情○將○人○  
硬○紐○况○且○下○官○一○月○以○來○所○見○無○非○餓○殍○所○聞○都○是○哭○聲○  
更○有○甚○閒○情○想○到○這○些○沒○要○緊○的○事○來○我○懷○憂○廢○朝○餐○魚○  
中○鈎○河○洲○賦○關○關○若○箇○鳩○旦○相○公○不○要○發○惱○譬○如○有○人○買○  
了○若○蘭○將○來○贈○你○可○好○麼○小○生○笑○介○一○發○好○笑○夫○人○今○  
日○因○甚○苦○苦○奚○落○下○官○啣○旦○若○果○有○人○送○來○你○不○受○時○  
我○却○要○替○你○受○了○哩○

二○犯○月○兒○高○若○是○姻○緣○有○粧○臺○便○相○守○不○怕○郎○君○強○難○禁○  
夫○人○受○小○生○笑○介○夫○人○要○他○何○用○旦○我○自○有○用○處○只○不○許○



戒得惡毒

問得才鑽

答得伶俐

折得凶狠

証得駭異

應得囹圄

你○相○近○便○共○嗅○蘭○香○只○是○戒○伊○嗅○小○生○這○也○由○你○敢○問○是○  
誰○買○了○若○蘭○夫○人○大○約○曉○得○些○消○息○麼○旦○哪○哪○哪○還○來○瞞○  
我○你○分○明○別○啓○藏○嬌○牖○反○問○誰○人○移○花○種○柳○小○生○啐○我○才○

明○白○了○原○來○夫○人○疑○我○在○外○討○了○若○蘭○故○爾○設○出○許○多○說○  
話○把○來○試○我○不○知○是○誰○來○般○鬪○是○非○惹○出○這○些○聒○絮○旦○否○

賊○証○已○全○搜○小○生○嘆○夫○人○說○竟○有○憑○據○的○這○就○實○在○詭○異○

了○旦○入○攜○小○旦○出○介○請○看○這○是○何○人○則○問○你○紅○杏○過○牆○春○

光○是○誰○漏○小○生○迷○離○介○呀○夫○人○這○這○這○是○若○蘭○如○何○在○我○

家○旦○可○又○來○作○惱○坐○小○旦○背○立○婢○鬼○臉○介○小○生○好○奇○怪○

呀。

四字上聲自

然合拍

靈妙非常

休咎二字亦  
非徒設

長拍。魑。魍。驚。疑。魑。魍。驚。疑。如。何。猜。料。誰。測。此。中。機。噫。顧。盼。  
 介。是。了。我。在。此。做。夢。無。端。相。遇。窈。窕。此。女。教。人。恁。般。夷。猶。  
 夫。人。畢。竟。是。怎。的。可。是。做。夢。麼。且。我。方。才。說。過。必。定。你。夢。  
 裡。想。他。所。以。連。累。我。也。做。夢。此。時。是。夢。非。夢。我。也。不。明。白。  
 你。去。尋。着。箇。醒。人。問。一。聲。看。小。生。悶。煞。我。也。不。解。甚。來。由。  
 這。迷。離。恁。悅。主。何。休。咎。侍。兒。過。來。這。女。子。何。處。來。的。婢。是。  
 老。爺。討。的。自。李。家。來。的。夫。人。不。惱。別。的。惱。你。不。該。瞞。他。小。  
 生。屈。煞。下。官。也。莫。不。是。鬼。使。神。差。胡。撮。弄。糟。踢。這。小。香。樓。

一笑如獅子  
掉尾

又下昆刀一  
刺  
仲郎總在玩  
弄中

迴映不漏

揖旦介尙求夫人明示下官實在茫然不知底裡伏乞可  
憐分割莫佯嗔匿笑做射覆藏鉤旦笑介也作弄得你殼

了這若蘭是我用千金討來奉贈的小生夫人何故如

此旦我自見了他不解何故十分眷戀因想三花同本

定有前緣若對你說明必不相允故遣高駕說合方才

接他到來的不知相公此時還是要他不要小生揖介

多謝夫人苦心下官怎忍違拗既來之則安之罷旦如

此太委屈了你些兒小生說也罪過婢鬼臉下旦你可

拜了新郎可是你夢見那箇穿紫的人兒麼小旦拜小

香祖樓  
卷上  
三

生扶介旦

小結香祖樓  
一筆

誰知不然

短拍一朶幽花。一朶幽花。三間書閣。到今朝想破。因由新。  
婦。漫嬌羞。這一箇紫衣郎。還你夢中生。受洞房就在後樓。  
我們一同小飲去。小生攜旦手。旦攜小旦手。小生深感賢。  
妻此意。從今後百歲共綢繆。同下。

第十齣 錄功

外淨分扮判官跳舞。一回並立介。外陰陽兩條路。善惡  
兩本簿。淨歎的莫怨嗟。乖的休錯悞。外俺天曹總理賞  
善判官。淨俺天曹總理罰惡判官。外今日帝釋陞殿考

錄人間功過欽定賞罰淨俺等各捧簿籍祇候者下末

引神衛上

天心贊

此仙呂點絳唇一點慈悲三分嚴厲人心昧白骨成堆苦了

天垂淚情關一堵判人禽無奈蒼生失本心只覺過多功

萬劫病根

德少可憐塵世重黃金陞座介孤乃欲界天中帝釋是

也奉上帝敕旨命俺考錄人間功罪則索秉公校勘仰

體天心使賞罰無遺昭報不爽外淨上總理善惡判官

叅見伏願聖壽無疆末判官們俺獨掌情關未兼庶政

今忽奉敕施行爾等可知天意麼外淨判官等備位曹

司不諳元妙伏祈訓示末萬物性含于中情見于外男女之事乃情天中一件勾當大凡五倫百行皆起於情有情者爲孝子忠臣仁人義士無情者爲亂臣賊子鄙夫忍人爾等聽者

樸實道理奇  
惟文章

混江龍這情字包羅天地把三才穿貫總無遺情光彩是

雲霞日月情慘戚是雨雪風雷情厚重是泰華崧衡搖不

動情活潑是江淮河海挽難回情變換是陰陽寒暑情反

覆是治亂安危情順逆是征誅揖讓情忠敬是夾輔維持

情剛直是臣工龍比情友愛是兄弟夷齊情中倫是顏曾

千珠落盤

總論處要言  
不煩

父子情合式是梁孟夫妻情結納是綈袍墓劍情感戴是  
做蓋車帷情之正有堯舜軒義情之變有桀辛幽厲情之  
正有禹稷臯夔情之變有廉來臯羿更有那蹇叔祁奚申  
公伯嚭聶政要離汪錡鉏麋妲己褒姒呂雉驪姬數不盡  
豺聲鳥喙狐首蛾眉一半是有情痴一半是無情鬼一班  
兒形骸髮齒一班兒胎卵毛皮外淨多蒙指示小神等恭  
呈善惡兩簿伏惟照察末一件清理舊案事這是唐宋  
以來一班欺君誤國貪財壞法之人如何久稽黑獄火  
速提來聽候發落淨引各鬼跪介鬼犯當面末拍案介

奈何

阿呀你這一班賊子雖然異姓隔朝倒像同胞共乳流  
毒相延種子不絕好可恨也

痛快

油葫蘆都是些一介凡民小布衣一旦的竊科名受官職

冷澆熱刺內  
省如何

享用着榮華封蔭掌權威為甚麼他人貧賤你偏尊貴忘  
記了朝廷爵祿恩加你却怎生委托事樁樁賣承行事件  
件欺試把你良心拍着難道該如是縱然你逃顯戮我這  
裡怎容伊將此一千鬼犯發往餓鬼道中去淨引眾下末

全靠

八字斷盡此  
輩

一件不孝不弟事這班禽獸天性全無不知倫理帶來  
發落淨引眾跪介各犯當面末咳父母有懷胎乳養之



恩兄弟有同氣分形之誼爾等因何迷昧至此

哀莫大于心  
死夫復何言  
切實病根

天下樂怎忍說養大毛乾各自飛食也麼衣單認得子共  
妻全不念一樁樁一件件從幼兒扭着心把朋友稱兄弟  
黑了眼看骨肉如仇敵皆爲着銀錢田宅起將他們發往  
畜生道中去淨引下末一件不仁不義事帶來發落淨  
引襍跪介各犯當面末天上人間方便第一你這班蠢  
才。掌。着。權。柄。守。着。銀。錢。一。味。自。私。自。利。不。肯。絲。毫。與。人。  
利。益。兩。耳。如。聾。雙。眸。似。瞽。只。說。富。不。能。貧。貴。不。能。賤。豈  
知。奸。貪。竊。位。孽。根。房。內。已。添。了。慳。吝。守。財。敗。子。身。邊。爭。

繞膝轉眼之間那一件東西是你的喲

哪吒令笑伊行俸祿錢幾堆從不會與誰米穀錢幾堆從  
不會給誰利息錢幾堆從不會捨誰猛然間禍患來平白  
地灾殃及看青蚨子母一齊飛將這廝們發往乞丐道中

必到此時一  
了百了

可賤可憐

去淨引下末一件寡廉鮮耻事帶來發落淨引眾跪介  
各犯帶到末升沉貧薄皆由數定爾等各逞機謀全無  
廉耻或搖尾於當路或鑽竇於豪門但能稍乞其餘可  
以無所不至豈知千人笑罵百醜播揚及至冰山已消  
試問腐鼠何恃

字字霹靂聲

市井小照

是爲難能而  
可貴

鵲踏枝打夥子竊光輝打夥子慕輕肥不思量一發如雷  
一敗如灰在了你兩隻眼光碌碌專謀財利一箇心黑魃  
魃但想便宜將此案人犯發往娼妓道中去淨引下生棒

冊上上天報應如響帝座呼吸可通永城縣城隍司參

見末該司所呈何冊生本縣仲元修發粟救饑施棺掩  
骨功德頗大謹開事實清冊呈報末報冊畱覽該司回

任理事生揖介是下末展看介呀此翁起家窮苦辛勤  
積累數十餘年乃稱饒裕今力行善事如此真可嘉也

寄生草他籽粒皆辛苦倉箱極捨施他黃齏淡飯才充食

天人感應不  
差一問在此

重言以申明  
之

迴映開場

堂哉皇哉雄  
灑無比

葛衣布被才遮體。包纏得生人。死鬼無顛沛。則他這滿腔。

惻隱善人心。合得上。因時長養蒼天意。賞善判官將此冊。

收藏天府待我奏明上帝。使彼後人奮發功名。增加福。

祿便了。外收冊介末。

煞尾。俯視北邙山埋骨無餘地。算不盡新墳。故鬼他把那。

一寸心田藏萬壘。死安眠。生者無饑。記得曾遣紫蘭仙子。

降生他家。屈指人間甲子。又二十餘載矣。紫衣郎已着荷。

衣好教他臺上平明大將旗。這些新鬼當向沙場結草報。

恩也。認征南門第。記征西家世。還向那海門邊立一統太。

邱碑下

第十一齣 觴芰

官正新荷葉

小生紗巾  
羅衫上

雲錦天機倩誰裁。貪看到紅粧青蓋。

一家終日住樓臺。笑攜纖手拖裙帶。郎官何遜最風流。新

得佳人字莫愁。領取和鳴好情況。水晶簾下看梳頭。下

官仲文蒙夫人雅意為我聘娶。若蘭已過一月。溫柔共

命。今生足老是鄉。燕婉同居。自覺難消此福。你看銀塘

花滿。水檻香來。今乃六月十九日。夫人絕早往紫竹庵

拜禮大士聖誕去了。此刻朝暾初上。宿露未消。蘭姬曉

串珠

可姪

香祖樓

卷上

七

雅人深致

念盡在茲

旖旎

甜香泥煞人

粧已竟敢待出來也。小旦上

前腔

換頭

略掃雙眉換金釵拈一朵玉簪斜戴鴛鴦池上醒

方纔青鸞未轉蓮花界老爺此刻夫人怎還不見回來小

生想必優尼等欸留齋素故爾遲遲蘭姬看你雙臉斷

紅一肩香玉恰似朝霞映水素萼含風怎教俺不愛煞

你來呀小旦羞介小生

刷子帶芙蓉芳艷沁幽懷搓酥面龐滴粉身材軟綿纏細

裏蠶絲酣酒暈微漬桃腮情諧想前世將儂無奈準今世

和卿難解恁般欸待我與夫人同你呵這恩情似并刀剪

白描語

以下映合迴  
瓊絲絲入扣

檀口生香

字字合拍神  
于音律至此

水○湯○裁○開○小○旦○賤○妾○蒙○老○爺○夫○人○這○般○恩○意○呵○

漁○燈○映○芙○蓉○萬○包○容○千○擔○戴○把○兩○片○心○兒○將○奴○疼○壞○只○怕

薄○命○妾○福○過○生○灾○斷○腸○花○方○榮○轉○敗○小○生○呀○我○和○你○來○日

方○長○新○歡○正○永○何○以○出○此○不○祥○之○語○小○旦○泣○介○奴○自○知○命

緣○淺○薄○斷○非○享○福○之○人○君○不○見○石○家○金○谷○春○如○海○綠○珠○娘

怎○墜○下○樓○來○小○生○此○話○必○有○因○由○快○說○來○我○自○有○處○置○小

旦○奴○在○家○時○每○聽○得○繼○父○與○母○親○唧○唧○噥○噥○在○奴○身○上○不

懷○好○意○商○量○神○情○最○歪○就○裡○機○關○難○摹○揣○自○古○細○人○有○造

惡○才○小○生○笑○介○我○道○因○甚○事○原○來○爲○此○那○李○蚓○受○我○活○命

及拍

日庵歸苑關

合絕佳

一擊

之恩良心難昧。他有甚伎倆。敢來作祟。况我家門第。豈不

能庇一愛寵乎。寬眉黛。他心腸自反。料狂飈也難偷入。避

風臺。旦上

普天賞芙蓉。袖中香梅檀。鬢邊香楊枝。灑小生夫人回

來了。旦荷花盡開矣。看亭亭半沼。花排似團團。九品蓮開

小旦夫人庵中風景若何。旦不要說起。我方為你默求子

息。那隻白鸚哥。好端端折下一邊翅兒來。小生小旦驚疑

介旦雪衣娘久已皈南海。况般若金經能通解。小旦分明

關係奴家休咎了。淒然介小生豈有此理。算仙禽偶爾驚



慰惜聲口各  
異

自在之極能

不傷心

猜笑龍女何須驚駭。旦你也忒多心了。但願你產麟兒。把

歡腸消去鬼兒胎。二婢捧酒盒上淺斟低唱歡無極。弄月

嘲風醉不辭。小飲完備請老爺夫人賞夏。小生對酒當

歌一切放下。夫人你看今年並頭蓮竟有數十朵。和你

敬他一杯。澆酒介同坐把杯介小生

朱奴折芙蓉好夫婦清閒自在。儘生受綠天花海似這等雪

藕調水共瀟灑。總不許傷心言外。侍兒取紙筆來聯句。婢

送介小生良辰美景樂事賞心。不有佳作何伸雅懷。和你

咏並頭蓮填一首百字令兒罷。旦極好請題起句。小生寫

此詞若遠若  
近真是化工

完旦念介紅衣素頰似當年三國夫人姻戚只有鴛鴦同  
卧起不放水禽啾唧妙呀旦接寫完小生念介月曉風清  
無情有恨婀娜憑誰惜纖鱗比目綠波來往尋覓接得無  
痕大妙大妙付小旦介你來了小旦後闌起句小奴豈敢  
僭妄還是老爺提唱好小生也罷寫完付小旦念介恰好  
盤貯駢珠房開連理錦段雙文織一片玻璃明鏡裏照影  
都無單隻小奴出醜了寫完小生念介匹練生寒秋霜做  
冷榮悴真難必明年消夏碧筒應感疇昔呀何以聲情悽  
惋至此小旦泪介旦熟視小旦介咳怎麼了呀歡娛界怎

左氏所謂樂  
憂者與憂樂  
者皆不祥也

鬼神快于人  
心如是如是

此篇吳道子  
畫鬼形狀心  
肝一齊活現

去罷

柔腸恁哀。小旦換年華。怕涼風容易自西來。小生侍兒撒  
去杯盤。拍小旦肩介。我們還到香祖樓上聽夫人彈琴

尾聲。冰壺小佔清涼界。旦問佳人如何不快。小旦小奴自  
己也不解何故。但只覺這一寸眉窩展未開。下

第十二齣 蚰悔

中淨上。家無擔石輪百萬。一擲千金稱好漢。賭不迷人  
人自迷。送得精光還誇手段。我李蚰前此開設銀店。專  
以偷換錢糧元寶爲生。不料忽然敗露。被我顯箇神通。

將他們問成絞罪得以逍遙事外。後來仲家求我女兒  
 做妾。我定要千金。不能短少分釐。他竟將二十封花紋  
 兌足。然後討去。咳。單恨賭運不濟。這些銀子只殼我三  
 箇月穿喫。頑耍如今弄得精空。無法可制。昨夜想出一  
 條妙計。待老婆出來商量。則箇丑上閉門三月。大家坐  
 喫得肚皮都脹破。喜他好賭不好嫖。偶然來家還不空  
 過。中淨娘子一千兩頭。昨日完了。怎好丑。怎麼就完了。  
 我每日勸你不要賭錢。你不肯聽。必要弄到這箇田地。  
 才罷。哭介。天那。我好苦命。那中淨咳。銀子是人掙的。有

是前夫掙的  
 與爾無涉

老僧送博徒  
下火可用此  
文

甚稀奇。我去賭場上原想贏別人的。誰知如此總是運  
氣未到耐煩些。等我交了運自然日進斗金。丑天殺的  
你心腸不好還有甚好運。交得却在此哄老婆。我只問  
你那賭場上有甚滋味。你這等着迷。中淨這箇滋味難  
以形容。我大槩說說你聽。紙牌上手。心坎生花。骰子落  
盆。眼光出火。豈但三殮不想。並且百病俱消。憑他狗腿  
烏龜。不異至親好友。任你炎天雪夜。都忘食少衣單。正  
人遇見也知畧畧羞慚。苦口相規亦覺微微感動。轉身  
依舊皆因難改。貪心過耳卽空。乃是天生敗種。丑如今

怎麼處呢。中淨我有一計不愁和你下半世受用。那仲家有的是銀子。怕的是官法。我已去約高駕來。叫他向主人說。速速立我女兒爲正室。不然再與我五千兩。他若兩件都不肯依。我先在縣中告他一狀。說他壓良爲賤。縣官若偏護他。我就進京到都察院提督衙門分頭告他。叫他父子都丟去那頂紗帽。不怕女兒不送轉來。

丑阿呀。施牢洞的好歹毒心腸。你我受他活命之恩。怎好反面無情如此。中淨啐。爲人在世。要想發財。還講什麼。良心天理。詐得女兒回來。又可得一番重聘。可不好。

麼。

中駐雲飛別換明珠。不許癡兒憶故夫。改繡鴛鴦譜。另寫

姻緣簿。丑我本待不允。怎奈我穿喫慣了。受不得淡薄。沒

一字曲如此  
恰好

奈何只得依你罷。奴生下鳳皇雛。萬千辛苦報你恩情。把  
作搖錢樹。須打疊雲髻重煩阿母梳。只是高駕到來。怎好

意思剪直硬來。中淨怕什麼。我有主意對付他。若到急  
時。你便出來做死做活。不怕他不入圈套。

前腔蠢笨豪奴。有甚才情敢將虎鬚。丑他若提起救你之

此輩本無才  
情不過擺設  
之物

事。怎好答對。中淨這有何難。鄉宦說事。囑托地方官。大干

知已可感

法紀他若認真把做話柄我索性寫上狀子說他指官招  
搖挾制小民子女老裴有多大胆子敢認賬嗎說他買盜  
將良污改嫡翻爲庶丑天你謀畧賽孫吳刀鎗滿腹妙算  
無差必定從今富只是一件盧雉當盆莫再呼末上行來  
三折巷去會兩頭蛇李師父有麼丑下中淨高大叔來  
了請坐末何事見招特來領教中淨自小女彩轎出門  
我卽下船往外三月而歸見拙荆眼睛哭腫了說道仲  
家現有夫人竟將小女做妾不勝心痛高大叔你原說  
續娶作正室的怎好主僕同謀如此今日請教還是怎



樣辦法。末駭立介老李你在此說醉話。還是瘋話。中淨  
我問你正經。怎麼反推聾做啞起來。末阿呀了不得。青  
天白日。你敢作怪。我老爺難道做你的女婿麼。中淨愛  
親做親也。論不得貧富。末跳介反了反了。中淨跳介反  
了反了。末李蚓你受家翁活命之恩。難道忘了。中淨我  
又不曾害病。你主人又不行醫。此話從何說起。末罷了。  
你待怎麼樣。中淨多年朋友。說亮話罷。煩你速去說快  
快立我女兒爲正室。萬事干休。不然送五千兩銀子來。  
我保全他那頂紗帽。末了不得。你莫非想錢想得瘋狂。

了。中淨放屁。末怒介：你敢罵我。打嘴介：中淨好打。好打。我與你兩件東西看看。袖出三紙介：這一張先往縣中告你主人倚官謀佔。壓良爲賤的。我狠知縣官與你家相好。未必中用。哪這一張進京在都察院告你老主人。縱子橫行。這一張在提督衙門告你小主人。居鄉不法的。你來再打我兩下。我就怕了你家的勢頭。便不敢去告狀了。末氣極介：阿呀。李蚰。天理王法何在。你敢於如此。中淨高駕。天理王法何在。你家敢於如此。末咳罷了。罷了。

前腔萬惡奸徒翻手爲雲覆手雨。情理難容恕計較真凶。  
毒中淨奴。怎把我兒軀奉承伊主。半萬花銀。或可商量做。  
可恨你富貴人家枉讀書。丑披髮哭上屈那屈那。我的乖  
乖肉兒呀。是我父母害了你呀。末來來來你去叩謝夫  
人。同女兒親見的。怎說夫人不在。向丈夫說鬼話。丑你  
說夫人暴病死了。我才肯應允。豈知你們做成圈套騙  
我。乖乖的麼。撒潑介我與你拼了命罷。撞末末避丑滾  
地介地方救人呀。末阿呀。一發了不得了。

前腔忌憚全無。蛇口蜂針一般毒。遍體蜈蚣足。一隻胭脂。

虎丑起扯中淨介夫他勢燄壓鄉間結交當路你休得螳  
臂當車動太歲頭邊土中淨我爲人一生耿直寧死不輸  
這一口氣你與我料理行裝入帝都末不必如此我且回  
去將你這些道理說明了再來回復何如中淨使得拱  
候了喂老高放聰明些他家五千銀子毡上一毫你若  
辦得有竅我自然不白勞你末放屁阿呀罷了罷了急  
下中淨如何丑我的哥我真真就服死你了樓下

第十三齣 蘭啼

調商

山坡羊

上小生

報商聲蟬嘶初變裂金颺荷衣纔剪旦小

之心入微茫

不善必先知  
之

旦携手上影飄飄斜拂銀床響琤琤墜下梧桐片小生涼  
風入畫簾秋燕已如客旦竟夕亂蛩鳴小旦愁人聽不得  
小生夫人你看玉露初零羅衣欲換這一鏡涼波半階秋  
色好疎爽天氣也秋氣鮮紅蕉舒又卷旦這芙蓉覽鏡偷  
人面小旦那楊柳迎霜倍可憐婢上樓上秋蘭開放了小  
生一同上樓賞玩去合牽連上層梯鷺一拳周旋整羅襟  
玉並肩旦啣這紫心黃心的兩朵先開了那一朵素心的  
因何這等憔悴呀小生真箇古怪

前腔顫巍巍春花三箭笑吟吟秋容雙展爲甚麼嫩枝兒

黃絹幼婦逐  
孀生情

悄地含愁倚屏風。一朵如人倦。小旦背介我心自憐。只怕  
花同奴命。蹇既說是香偎玉。傍相留戀。却怎生節序榮枯。  
有變遷。旦你因甚惆悵起來。小旦淚介。旦嬋娟恠無端。玉  
箸懸。小旦淹煎怕難隨蕙帶妍。末上見鬼方疑魘。驅邪怕  
少符。老翁夫人怪事怪事。小生高駕因甚慌張。末方才  
李蚓約小人去。他忽然胡鬧。竟似瘋顛。一般說他女兒。  
本來不是做偏房的。若做偏房。還要五千兩銀子。若不  
與他。他先在縣中告狀。再到京師察院提督各衙門喊  
冤。必要斷轉女兒去。才罷。小人與他打鬧一場。他老婆

鴻胎

淚而彌苦

回想無非動  
乎四體

出來賴死似此忘恩負義光棍老翁如何處置小生他  
說不是做妾有何憑據末他說老翁買妾有何文契小  
生呀夫人我一向不會問你可有字跡麼旦因係兩相  
情願不會寫得身帑豈料人心不測至此小旦兀的不  
痛煞我也暈倒介小生旦扶救小旦醒哭介

梧蓼弄金風他的歪羅網我心下暗盤旋已是賣金錢還  
放長繩千丈信手繫風鳶可憐人只叫得幾聲天也囉旦  
且免悲傷我與老翁自然作箇計較不教你出去小旦夫  
人哪我爲甚愁生酒後淚落花前趁在老翁夫人面前早

此句要緊若  
蘭故得不死

斷腸聲作鞭  
鞭鳴

寫夫人入微

赴泉臺死而無怨投池介小生旦扯介旦這箇斷斷使不

得你若死了老爺之禍更烈矣還要三思不可亂了方

寸扶小旦坐懷中代拭泪又自拭泪介小生背手脚踟

介旦

金梧繫山羊由他局外喧肯放樓中燕共命同生緊抱着

蘭花顛我三人拆不開少一箇也難成串相公他既以嫡

庶生端啓釁我便讓若蘭爲正却也無妨小旦跪地哭介

小生搖首介豈有此理小旦夫人什麼說話旦使得的便

嫡庶通融總是神仙眷小生夫人你雖賢這尊銜不可權



小旦你休言這微軀何用全。小生夫人且和蘭姬自去將  
息我自別有處置。旦攜小旦介咳花正開時霪雨至月  
方圓處黑雲生。全下小生高駕那里。末生小人在此小  
生你看那厮是認真要銀子。還是要女兒回去。末要女  
兒回去也不過賣銀子更有什麼分別。小生也罷你明  
日去拘他說再與他千金要他寫下文契永斷葛藤便  
了。末小人理會得明早卽去。小生李蚓你這喪心賊子  
呀豺狼反面易生噴射影含沙計最神。末寶劍當誅無  
義漢只怕黃金不富你命窮人同下。

第十四齣 烏陣

呂南

大勝樂

外老將黑甲領四將隊子皆黑衣上

碧海紅旗護方鎮。威名大白

提金印。籌邊樓倚蠻雲。彎弓遙射飛隼。昇平四海不揚波。

怪底窮鱗起怒渦。手按龍泉搔白髮。欲飛長劍斬鼉鼉。

高坐介俺鎮守福建總兵官。扈蕃是也。起家侍衛備職。

元戎壯心未老。鏡中頻看廉頗。兵略雖遺膝下偏。無趙。

括春間奉命移鎮閩中。不料海賊馬義揭竿聚眾據險。

跳梁。且聞賊妻蚌氏善於用兵。習知紀律。雖為癬疥之

疾。頗深塗炭之憂。為此老夫自造烏雲一陣。謹按陰陽。

五行運用奇門遁甲八面以擾之多方以疑之誓在必  
擒巨寇安戢黎民將士們聽吾號令衆應介

紅衲襖 一不許恣貪殘害衆民 二不許逞兇淫作亡命官

兵喫朝廷錢糧護衛城池百姓苟能出力建功自叨陞賞  
卽或爾等好勇鬪狠何不留此性命死于征戰之間也博  
得一箇妻兒恩恤爲甚麼聽見出兵二字便說我是死命  
一條或所過擾害居民搶奪貨物甚至故意與人爭鬪打  
死平民以求身入牢獄將來減等充軍免得陣亡之苦似  
此居心與賊兵何異試問太平時國家養你們何用衆軍

士們凜遵不敢犯令外好三不許挾私讎後隊衝前陣四  
不許恃王師賓營虐主軍將貴同心兵當協力苟因平日  
仇隙後面將士用鎗箭殺害前面將士或倚仗我是上司  
營伍兵丁便凌辱外府外縣各營兵丁者本鎮查出按律  
不饒衆軍士們不敢違拗外好果能如此便是我的好兒  
郎况本鎮呵從不會向凍時圍爐圖一温從不會向餓時  
傳餐喫一頓從不會避苦偷安愛惜微軀也只覺得衆兒  
郎是我骨肉親衆跪泣介元帥說到此處將士們雖肝腦  
塗地敢不戮力同心上報朝廷厚德下酬主將仁恩外

好就此將烏雲陣再爲演習者衆起走陣一回立介外

妙呀

前腔一任他亂虬螭難搖大樹根。怎當俺萬神鴉不寬蟲

蟻命皂旗翻地戶。通元牝鐵驪飛天關。布黑雲衆又走一

陣立介外。包籠着司馬法太公符。立八面生死門。驅遣着

尉繚子黃石公。擺六層丁甲遁。將士散操回營休息靜候

調遣出征者衆得令外。下臺大笑介。你看將令如山軍心

似鐵棘門灞上真同兒戲。馬義你這毛賊何苦自投坑穽

也。自古來郭李孫吳必勝能操也。不比那浪登壇誤國人

繞場下

第十五齣 緣終

令人發深省

中呂

菊花小新生朝朝暮暮我和他說到生離泪似麻一箇好

人家平白地亂愁飛下我仲文自得蘭姬如珠在掌誰知

李蚓這厮負恩作崇平地生波托高駕前來說出許多

無理言語下官驚駭異常只得再許千金他竟公然告

狀這事如何區處末上本縣裴爺到門說有話面說小

生快請出迎介生冠帶上欲贈將離草難全夜合花部

臺卑職輕造了小生治弟不知老父母責臨失迎爲罪

請坐。生久仰名園幽雅。我們裡面談談罷。小生高駕引  
路到香祖樓去。生園林遠塵俗。小生水木媿清華。生香  
祖樓敢問命名之意。小生此樓落成之日。適拜明公幽  
蘭之賜。遂題小額敬志清風。生慚媿。小生看茶。末下生  
前者那箇銀匠李蚘。不是好人。因公庇之。故使漏網。他  
昨晚竟來興訟。請看這張狀子。呈介。小生接看介。老父  
母提起往事。治弟因誤聽人言。十分引咎。他今作此舉  
動。老父母如何裁奪。生老部臺買妾不立文契。官斷無  
憑。看他刁詐非常。必不甘心受制。他若真箇進京去。不

但卑職大受厥累。就是老部臺也不便了。旦小旦暗上。

竊聽介。小生點頭作張皇狀。介生。

粉孩兒。猜信的。吠金鈴。休當耍。媿崑崙。手軟未能推。殺小

生。治弟又許他千金。也該饜足了。生。他狀子中並不提起。

銀子。只說壓良爲賤。求官斷還。哪。哪。這幾句。竟隱隱說卑

職。與公交好。自必袒護的意思。他唇鎗舌劍。磨齒牙。任搓

團數頂烏紗。小生。老父母如何明斷。生。此事錯在不立身。

契案情。便無一點把柄。老部臺天下多美婦人。依我說。遣

之爲是。小生驚介。旦小旦驚顧失色。介生。勸香樓別貯春。

刀筆可畏如



七字新裁

風除離去沒甚官法。小生起執生手介。呀。老父母說那里

話來。這一箇小妾呵。

紅芍藥。是你這河陽宰種出根芽。怎忍把章臺柳剪去枝

仲耶善于詞  
令如慧鳥嘯  
枝

榿生。此話從何說起。小生承你送來這盆蘭花。哪三花一

本並蒂同心。所以拙荆見了李蚘之女。問他名喚若蘭。方

才動心。代我作合。以符此花異瑞。豈非卽是明公所賜。一

樣現放着幽叢影兒。亞問蜂媒。忍教重嫁。生笑介。這箇連

坐罪名兒。倒也雅致。小生老父母治弟夫婦二人。與此女

相依爲命。寢食不離。方才三月。百年猶自難捨。他况朝雲

暮雲方乍。只求想箇法兒。破格周全。感當不朽。揖介免。嬋

娟別抱琵琶。拜恩官真同嵩華。生正色介部台雖是你情

之所鍾。無奈我法之難改。即使我這里蠻做一番。到了

部院中。也必是斷離的。天下明白人。見事須透。割愛貴

勇。若可保全。我裴琬也是憐香惜玉之人。怎肯忍心害

理。令明公心傷腸斷。若此。小生泣介旦小旦泣介生

要孩兒慧劍風刀。須一下。若是畱藤蔓。又安能繫葛連瓜。

况尊大人副憲公呵。烏臺寒凜凜。鐵面持風化。肅朝綱。先

要嚴家法。怎容說風流話。小生拭淚介多感仁兄提醒。小

裴公精于勘  
斷如怒猊抉

石

老吏決事要  
言不煩

泛論官方良  
由情急

弟如夢方覺待與山妻商酌便了。旦攜小旦手頓足哭  
下生這便才是告別了。小生另日謝步。生不勞枉駕惟  
望把定主意不可搖惑。小生吩咐打轎送生同下。旦攜  
小旦哭上。呵呀蘭妹你聽縣官所言如此怎生是了也。

小旦倒地旦坐地救介旦

會河陽劈面刀來攢心箭加不容人百樣苦求他。咳裴公  
呀你做官但顧你平安聽人鯁寡一謎的粧聾啞蘭妹甦  
醒嬌娃死一箇能丟搭冤家死三箇誰收煞。小生踉蹌哭

上夫人在那裡。

痴情苦態

縷縷金疼難按癢難搗四肢綿樣軟恁酸麻跌介旦就地

扶介相公掙扎些小生夫人那那那縣官說的話旦我兩

箇都聽見若蘭暈倒在此一會了小生坐地看哭介咳蘭

姬呀難道把三人命立時銷化旦恨當時一着子兒差殘

碁湯支架殘碁湯支架小旦嗚咽醒介旦好了醒過來也

同小生漸扶小旦起立介小旦低唱介

攤破地錦花甚黃沙生撲散明妃馬不放過咱可憐人一

箇哇哇老爺夫人捨了小奴罷泪落君前吾生有涯恨介

素心花可恨你長枝芽旦相公畢竟如何裁處小生悲介

迴抱緊情

字字酸楚

且再商量。小旦咳。人生到此，尚有甚商量。小生旦合痛殺人。

悽惻酸辛如畫如話

越恁好寸腸千結。寸腸千結。何術隱匿他。上天下地無閒土。藏這朵斷腸花。小旦承望你夫妻殘酒和剩茶。澆奴墓瓦。小生旦休說此話。再想方兒。小旦有甚方兒。你兩箇夢繞我泉臺。下奴一箇魂貼你香樓下。小生哭介。尾聲多情慣惹無情罰。旦相公從今後。泪眼愁眉你共咱。小旦咳。奴到明日呵。不及這香祖樓前。傍母鴉。全哭下。

第十六齣 恨始

中淨上銀子堆中二十年神機妙算已通仙賣他兒女  
妻他母誰道生財要本錢我李蚓只輕輕淡淡寫張狀  
子送去那縣官便恭恭敬敬坐頂轎子出來走到仲家  
勸他暗暗放回愛妾回到衙內勸我悄悄領轉女兒便  
將狀子陰銷落得大家安靜我尙且不依說我是一箇  
黃花閨女如今不好嫁人又詐了他三百兩頭而且聲  
言若是女兒死了便十萬銀子也不干休他家所以不  
放若蘭尋死今日先往衙門領了銀子在家等候高駕  
送還女兒你說天下有這等得心應手箭不虛發的美

悉涼沉痛百折千迴將三  
人心事曲曲傳出如三峽  
猿聲一字一  
涓文心至此  
元人敢不下  
拜

事總因人有善念天必從之正是李郎妙計高天下叫  
他還了夫人又送銅樂煞樂煞下旦上

越調小桃紅千聲長歎萬容嗟竟到了生離別也這滋味新

嘗合酸鹹苦辣更加些我是箇女釵裙兀自似痴呆何況  
他臉笑假身暗接肉兒團情兒貼也心窩裡恁般疼熱怎  
忍的眼睜睜看他上七香車小旦蓬頭淚臉上

下山虎不許我死尋解脫要我活受摧折轉世纔三月恩

娘愛爺依然返黑獄圍城消磨鬼劫怕不把艷骨香肌喂

毒蛇跪介呵呀夫人呀日抱哭介小旦你意兒怎樣者比

着那嫁女悲傷更痛嗟我去後如何也你夫妻看破些恨  
煞我薄命人兒消不起做箇妾旦攬小旦坐膝上介我的

若蘭呀

山虎嵌蠻牌

只道我與你前生妹姐今世妻妾三箇同衾

卧更同墓穴誰承望一樣幽蘭這枝早折把合蒂同心中

路撇可恨你親娘成繼母自小喪親爹又生來情多性烈

把閒愁各件自兜拽替你把心兒捏怕灾星暗貼現放着

活活的人兒怎生要別

小旦離立介老爺在何處怎不見

來日他哭的死去活來幾次不忍見你出門不知躲在



酸鼻至此不  
忍卒讀

甚處了。小旦哭介。呵呀。仲郎呀。

五般宜。你爲我兩日中迴腸九折。我爲你一霎裡寸腸百結。從今後各灑泪成血。千想萬想向誰言說。奴身似葉郎心似鐵。只不過一刻的留連。不容奴將袖扯。末上夫人他總是要去的。忍着疼痛放他去罷。旦攜小旦大哭介。蘭妹呀。

五韵美。怎下得便分離。成訣絕。將伊這等輕易捨。末夫人放手罷。旦惱介。哇。老狗才。甚官符催促。恁般劣。難容暫歇。小旦奴有一言望夫人轉致老翁。旣不能畢命。郎前亦豈

自負

地老天荒迴  
腸寸斷

肯輕生別後謹以一年為約萬望仲郎百計經營使奴離  
絃再續破鏡重圓奴斷不別抱琵琶玷君帷薄算藕斷絲  
連堪接休慮我豺狼齧蜂蠆螫荆棘裡奴自有奇才保全  
志節就此拜別夫人去也拜介旦扶哭介

江頭送別死不得活不得必須去者悲無益苦無益只合

行也夫人後會有期此刻只當小奴死了罷旦不捨介臨

歧再把陽關疊小旦掙脫哭介呵呀香祖樓呀奴只好依

然夢裡來耶下末隨下旦哭倒介小生哭奔上呵呀我的

蘭姬你真箇去了跌旦旁介婢奔上呀老爺夫人都暈

倒了快去取湯水來旦醒低唱介

山麻稽空抱扯徒牽拽去燕離鸞誰得攔遮小生醒介悲

切花枝樣箇人兒輕輕撇全起介怎教人不念他容貌戀

他情意哭得痴呆婢捧茶上飲介旦相公他別時有句話

兒上覆你說以一載爲期斷不他適望你想一妙法便

入地升天再圖完娶小生下官如有妙法不到叫他竟

去了

黑麻令從今後愁疊恨疊怎支持風斜雨斜整一片雲遮

霧遮我和你恁地迷奚畢竟是醒耶夢耶旦只好朝夕頂

雙聲疊韻社  
半帶紅

禮如來乞垂默佑。惟叩禱僧迦釋迦。感動我家翁並祖翁。  
 成全這兒女恩情。推轉那雷車電車。小生夫人則索罷休。  
 了。旦相公。你可能割斷這一縷情腸麼。小生哭介。

黯然銷魂

尾聲。曉風何苦吹殘月。這是第一夜人間長夜。問不出他。  
 酒醒今宵何處也。全下。

香祖樓傳奇卷上終